

1994 nr. 22 29. mars**Lög um eftirlit með fódri, áburði og sáðvöru**

Tóku gildi 11. apríl 1994. *EES-samningurinn*: I. viðauki tilskipun 70/524/EBE og 73/103/EBE, II. viðauki tilskipun 76/116/EBE og 77/535/EBE og I. viðauki tilskipun 87/153/EBE. *Breytt með* L. 73/1996 (tóku gildi 19. júní 1996), L. 83/1997 (tóku gildi 6. júní 1997) og L. 76/2005 (tóku gildi 1. jan. 2006).

I. kafli. Tilgangur, gildissvið og yfirstjórn.

■ **1. gr.** Tilgangur laga þessara er að tryggja bændum og öðrum notendum fullnægjandi vöru í samræmi við vörulýsingar og kröfur til landbúnaðarafurða um hollustuhætti.

■ **2. gr.** Lög þessi gilda um eftirlit með framleiðslu, geymslu og sölu á fódri sem ætlað er búfé sem haldið er til matvælaframleiðslu og sölfóðri annarra dýra, svo og alla sáðvöru, tilbúinn áburð og önnur jarðvegsbættandi efni.

■ **3. gr.** [Landbúnaðarráðherra fer með yfirstjórn þeirra mála sem lög þessi taka til. Landbúnaðarstofnun fer með umsjón með framkvæmd laganna og reglugerða sem settar verða samkvæmt þeim.]¹⁾

□ Til aðstoðar [Landbúnaðarstofnun]²⁾ skipar landbúnaðarráðherra tvær nefndir til fjögurra ára í senn sem hafa það hlutverk að vera ráðgefandi um framkvæmd eftirlits samkvæmt lögum þessum:

1. Fóðurnefnd, skipuð þremur mönnum, [einum tilnefndum af Bændasamtökum Íslands],³⁾ einum tilnefndum af [Landbúnaðarháskóla Íslands]⁴⁾ og dýralækni tilnefndum af [Landbúnaðarstofnun].⁵⁾ Ráðherra skipar formann nefndarinnar.

2. Sáðvöru- og áburðarnefnd, skipuð þremur mönnum, [einum tilnefndum af Bændasamtökum Íslands],³⁾ einum tilnefndum af [Landbúnaðarháskóla Íslands]⁴⁾ og einum skipuðum af landbúnaðarráðherra án tilnefningar og skal hann vera formaður nefndarinnar.

¹⁾ L. 76/2005, 19. gr. ²⁾ L. 76/2005, 20. gr. ³⁾ L. 73/1996, 30. gr. ⁴⁾ L. 76/2005, 21. gr. ⁵⁾ L. 76/2005, 22. gr.

II. kafli. [Landbúnaðarstofnun.]¹⁾

¹⁾ L. 76/2005, 23. gr.

■ **4. gr.** [Landbúnaðarstofnun]¹⁾ skal halda skrá yfir þá aðila sem framleiða hér á landi eða flytja inn þær vörur sem lög þessi taka til. Óheimilt er að skrá framleiðanda eða innflutningsaðila sem ekki sýnir fram á fullnægjandi aðstöðu fyrir þá starfsemi sem tilkynnt er um.

¹⁾ L. 76/2005, 20. gr.

■ **5. gr.** Óheimilt er að flytja til landsins, framleiða eða pakka hér á landi vörum sem lög þessi taka til nema tilkynna þær fyrst og láta skrá hjá [Landbúnaðarstofnun]¹⁾ sem staðfestir skráningu vörunnar. [Landbúnaðarstofnun]¹⁾ skal aðeins skrá vörur er þeim hefur verið lýst á fullnægjandi hátt.

□ Landbúnaðarráðherra ákveður með reglugerð, að höfðu samráði við sérfræðinga [Landbúnaðarháskóla Íslands]²⁾

og ráðunauta [Bændasamtaka Íslands],³⁾ hvaða upplýsingar skylt er að láta fylgja vörum sem lög þessi ná yfir. Enn fremur skal kveðið á um merkingar og lýsingu á notkun einstakra vöruflokka.

¹⁾ L. 76/2005, 20. gr. ²⁾ L. 76/2005, 21. gr. ³⁾ L. 73/1996, 30. gr.

■ **6. gr.** [Landbúnaðarstofnun]¹⁾ skal með sýnatökum fylgjast með að vörur þær, sem skráðar hafa verið, séu í samræmi við gildandi vörulýsingar. [Landbúnaðarstofnun]¹⁾ skal hafa aðgang að eftirlitsskyldum vörum hvar og hvenær sem þess er óskað. Kaupandi vöru getur óskað eftir því að fram fari sérstök athugun á vegum [Landbúnaðarstofnunar]¹⁾ vegna gruns um að varan sé ófullnægjandi. Kostnað af ítrekuðum tilefnislausum rannsóknum greiðir kaupandi samkvæmt reikningi.

□ Komi í ljós að vara uppfylli ekki uppgefnar vörulýsingar getur [Landbúnaðarstofnun]¹⁾ krafist stöðvunar á dreifingu og sölu vörunnar.

¹⁾ L. 76/2005, 20. gr.

■ **7. gr.** Landbúnaðarráðherra setur með reglugerð¹⁾ nánari ákvæði um sýnatöku og önnur atriði er varða framkvæmd [Landbúnaðarstofnunar],²⁾ svo og ákvæði um merkingar vöru og þökkun hennar og ákvæði um hámark óæskilegra efna eða bann við notkun þeirra.

¹⁾ Rg. 301/1995, sbr. 202/1996, 783/2001, 352/2002, 678/2002, 784/2003, 300/2004, 386/2004, 514/2005, 659/2006, 895/2006, 919/2006 og 422/2007; rg. 398/1995, sbr. 499/1996, 579/1999, 785/2001 og 301/2004; rg. 340/2001, sbr. 381/2001, 497/2001, 755/2001, 871/2001, 281/2002, 594/2002, 202/2003, 264/2003, 647/2003, 735/2003, 740/2003, 888/2003, 302/2004, 387/2004, 887/2004, 501/2005, 502/2005, 979/2005, 657/2006, 729/2006, 800/2006, 801/2006, 1018/2006, 1068/2006, 41/2007 og 365/2007; augl. 690/2001, rg. 630/2007. ²⁾ L. 76/2005, 20. gr.

III. kafli. Eftirlitssjóður.

■ **8. gr.** Til að standa straum af kostnaði við framkvæmd [Landbúnaðarstofnunar]¹⁾ skal innheimta eftirlitsgjald sem miða skal við raunkostnað við eftirlit með vörum þeim sem lög þessi ná til. Sértekið eftirlitsgjald skal greiða eftir reikningi.

□ Eftirlitsgjald af innfluttum vörum skal innheimt við tollafgreiðslu vörunnar. Af innlendri framleiðslu skal greiða gjaldið samkvæmt söluskýrslum sem skila ber tvisvar á ári. Landbúnaðarráðherra setur með reglugerð²⁾ nánari ákvæði um innheimtu á eftirlitsgjöldum, upphæð þeirra, álagningu, gjald-daga og annað er lýtur að framkvæmd á innheimtu gjaldanna. Eftirlitsgjöld má taka fjárnámi.

¹⁾ L. 76/2005, 20. gr. ²⁾ Rg. 340/2001, sbr. 381/2001, 497/2001, 755/2001, 871/2001, 281/2002, 594/2002, 202/2003, 264/2003, 647/2003, 735/2003, 740/2003, 888/2003, 302/2004, 387/2004, 887/2004, 501/2005, 502/2005, 979/2005, 657/2006, 729/2006, 800/2006, 801/2006, 1018/2006, 1068/2006, 41/2007 og 365/2007.

IV. kafli. Refsiákvæði, gildistaka o.fl.

■ **9. gr.** Brot gegn lögum þessum og reglugerðum, sem settar verða samkvæmt þeim, varða sektum nema þyngri refsing liggji við að öðrum lögum.

□ Með mál vegna brota skal farið að hætti opinberra mála.

■ **10. gr.** Lög þessi öðlast þegar gildi. . .